

BEATI BARTHOLOMÆI

ABBATIS MAJORIS MONASTERII

EPISTOLA AD ERNALDUM EPISCOPUM CENOMANNENSEM.

(MABILL. *Act. tom. IX*, pag. 587.)

Domino ac venerabili Cenomannensium Dei gratia A episcopo E. et cuncto beatissimi confessoris Juliani inclito gregi, Majoris Monasterii humilis abbas frater B. cum fratribus suis fideles orationes.

Miramur vobis, domine venerande Presul, prudentiam vestram quid sibi relit, ut nolis columniam de altari de Vivonio inferat, qui hoc de vestra honestate sperabamus, quod si aliunde nobis columnia insurgeret de illo altari, vos contra omnes calumniatores invictum defensorem haberemus. Scitis enim quod antecessor vester, pie semper memorandus Wlgrinus episcopus, illud altare nobis in perpetuum absque relevamento tenendum donavit cum assensu omnium primatum Ecclesiae vestre, imo et totius capituli beatissimi Juliani. Cujus etiam donationis causa ita in Christo charitate foederati sumus et uniti, nos scilicet monachi Sancti Martini, et vos canonici Beati Juliani, ut vos in societatem totius benefaci nostri recepiros, quidquid deinceps in orationibus vel eleemosynis apud Deum boni promerentur, totius mercedis nostrae ac retributionis in æternum consortes haberemus, firmato inter nos et vos pacto, quod nos pro vestris canonicis in obitu singulorum facere dekeamus, et vos pro nostris monachis. Quam unitatem nostram in Domino ne quis posteriorum per ignorantiam scindere ulla occasione tentaret, scriptum de hac re diligenter a vobis compositum est; quod ut inviolabilem obtineret firmatatem, ipsius domini Wlgrini episcopi, omniumque vestre Ecclesiae primorum auctoritate munitum et corroboratum est. Cum haec igitur C omnia bene noverit prudentia vestra, domine venerande Pater, quomodo tam profunde obdormivit ratio animi vestri et antiqua benignitas, ut tam

evidenter injuriam fratibus vestris excellentia vestra facere non metuat? Quod si vos fraternali injuria respectus non movet, nunquid pro nihil aut leve ducitis, quod Cenomannensis Ecclesie et episcopalis dignitas et canonicalis auctoritas pari consilio gravavit, hoc violare ullo modo ac destruere? In quo tam male de vobis meruit sancta ecclesia beatissimi Juliani, quæ vos sibi rectorem atque pastorem praefecit, quam vos totis viribus vestris honorare et exaltare debueratis, quia et ipsa prior vos honoravit gratis et exaltavit? Quid meruit, ut, cum omnes Ecclesie totius Francie et Aquitanie, imo et totius Gallie hanc obtineant dignitatem, ut quod semel in capitulo earum firmatum est, nullus posteriorum violare presumat, vos Cenomannensem Ecclesiam

B hac dignitate, quam per tota saecula usque ad vestra tempora obtinuit, spoliare non verecamini? Cur inter omnes totius Gallie Ecclesias inferior erit sancta mater Ecclesia Cenomannensis, ut cum illæ omnes, et majores et minores, firmam capitulo auctoritatem habeant, mater Ecclesia Cenomannensis nullam habeat auctoritatem? Si aliqua saecularis persona quamlibet potens hoc facere presumeret, dignum quidem fuerat episcopum cum toto clero suo, propter amorem Dei et Ecclesie suæ, mortem potius libenter appetere, quam Ecclesiam suam dehonestari ulla tenus consentire. Verum haec quo modo se habeant, vos, beatissimi Juliani greci inclite, summopere admonemus ne vos antiqua vestra dignitate ulla ratione denudari patiamini. Postremo ut nostram de hac re sententiam sciatis, de re tam legitime ac tanta auctoritate firmata nunquam in judicium venire decrevimus. Bene valete.

APPENDIX

DE REBUS GESTIS IN MAJORI MONASTERIO SÆCULO XI.

1. Cæterum ut, ad nostra revertentes, jam ea que munificentia divina inter nos et erga nos, licet indigños, operari dignata est, et ad laudem nominis ejus, et ad ædificationem posteriorum, quo possumus stylo, proferamus: non immerito, ut opinamur, quoniam fidelium Majoris Monasterii suffragia referun-

tur expetere, in quo tanta tam pro vivis quam et pro defunctis in orationibus et eleemosynis sunt beneficia. Quidni enim illic votorum obtineatur effectus, ubi patrocinatur prepotens et sublimis ille sacerdos Martinus, qui, humillimi magistri Jesu Christi humilis et constans imitator, maxime humili-

litis meritis, et perennem ejusdem loci sui sancti-
ficationem et verbi, fideliter oratum venientibus
obtinere potest a peccatis absolutionem? Nec incon-
grue etiam revelante Deo prædictus solitarius de
studio et efficacia fratrum ejusdem monasterii circa
cultum et frequentationem sacramentorum, quæ
supra retulimus, vel vidit, vel effudit; quoniam, ut
ipsi perspeximus, mos erat ipsius cœnobii ut a
prima aurora usque in horam prandii, propter sacer-
dotum copiam, continua missarum celebratio pre-
traheretur. Quæ tam digne ac reverenter siebat, ut
magis angelica quam humana exhibitio putaretur.
Unde nec laudabilem et imitandam eorum circa
fratres defunctos antiquitus observatam consuetudi-
nem prætereundam censemus. Cum enim aliquis
fratrum super obiisset, confessor ejus in communione
super indicta pœnitentia inquirebatur, qua audita,
mira compassione videres cunctatim a fratribus
fratris onus suscipi: hic psalmos ille missas alius
jejunia, aliusque disciplinas verberum sibi rapiebat.
Implebatur profecto miro ordine apostolicum illud:
« Alter alterius onera portate (*Gal. vi, 2.*) ». Tunc
denique exoneratus defunctus ab imposta satis-
factione pœnitentiæ, liber, ut credimus, transibat
ad requiem, et conuentus assequebatur gratiam.
Amen.

2. Ilujus etiam cœnobii abbas, nomine Bartholo-
mæus, privatis orationibus frequentius insistebat.
Cui aliquando in oratione posito duo fratres, qui ejus
tempore obierant, visibiliter apparentes dixerunt:
« Bene quidem, Pater, tam pro te quam pro grege
commisso in orando pervigilas, sed neveris etiam
correctione agendum circa eos. Sunt enim inter
illos, qui pro fratribus suis defunctis non satis sol-
liciti sunt, ille scilicet et ille, et nominaverunt quo-
dam. Age ergo, et in communi conuento super de-
functis mentionem faciens, universos et singulos
exhortare ne dissimilarent neve differant fratribus
suis defunctis constituta a sanctis Patribus debita
persolvere. Hoc enim tibi dicimus in verbo Domini,
quia qui fratribus suis dum vivit non exsolvit quod
debet, quod ei defuncto ab aliis exsolvetur, non in
suam ipsius, sed in eorum proficiet utilitatem, qui-
bus per suam negligentiam tenetur obnoxius. Illos
autem quos nominatim expressimus, privatim con-
venies, duriusque increpabis ad emendationem, de-
cetero admonitione pariter et præcepto eos insti-
tuens; quod si neglexerint, horrendum sibi neverint
imminere judicium. » His dictis disparuerunt. Abbas
autem sollicitus injuncta sibi exsequitur; negligen-
tes eatenus ad cautelam evigilant, boni meliores
redduntur.

3. Quantum fides propria possit, comprobat
aliena, quod et in baptismo luce clarius patet, et
nonnullis sanctorum institutionibus demonstratur.
Inter cætera vero facta monachorum, præclarum et

A plenum fide quiddam comperimus; quod scilicet
dum quis eorum in extremis agit, omnes omnibus
negotiorum intermissis accurrunt: non comedendi
aviditas, non dormiendi necessitas, non Dei familia-
ris occupatio, non publicæ utilitatis dispensatio
quanta quanta, omnino vel revocat vel retardat
quominus convenienti universi et singuli ad ferenda
susfragia. Porro nemo vacuus vel manibus nudis, sed
armati omnes accelerant ad morientis tutelam,
armis quidem fidei, et gladio spiritus, quod est
verbum Dei. Ubi enim signum extremæ illius neces-
sitatis auditum fuerit, statim symbolum catholicæ
fidei in persona morientis omnes incipiunt, ei scili-
cet perlibentes testimonium quod in hac fide vixerit,
et in hac fide a corpore discedit: ne videlicet hostis
antiquus ad Creatorem suum revertenti audeat oc-
cursare, cui audit fidei testimonium undique reso-
nare. Quod quam salubriter sit institutum in cœno-
bio Majoris Monasterii, evidenti iudicio dignatus est
Dominus ostendere. Quoniam dum quidam frater
ageret in extremis, pro solemni more illius ecclesiæ,
nonnulli ex fratribus circumstabant lectum morien-
tis, precibus et orationibus ejus exitum munientes.
Unius itaque aperti sunt oculi, et ecce vidit angelum
Domini residentem ad altare et fratri animam præ-
stolantem: vidit et diabolum prope assistere, ut
animæ exenti fieret impedimento. Anima quoque
fratris de corpore egressa, in specie infantuli visa
est super proprium corpus resedisse, et quasi tre-
mebunda maligni formidare præsentiam. Tum subito,
vox conuentus advenientis auditur, clamantium pro
fratre et dicentium: *Credo in unum Deum.* Ad quo-
rum testimonium confusus hostis abscessit, et san-
ctus angelus ad vocem cantoris responsorium pro-
nuntiantis: *Subrenite, sancti Dei; occurrite, angeli
Domini;* prævidente eo cui divinitus fuerat reve-
latum, animam fratri suscipiens in coelum usque
deduxit.

4. Erat in eodem cœnobio vir religiosus, Hilde-
brandus (1) nomine, cui pro vita sua merito ab
abbate sacramentum confessionis commissum fue-
rat. Quidam autem de fratribus ad extrema veniens
supradicto religioso conscientiae sue patescit arca-
num, et ita decessit e vita. Post non multos autem
dies, media noctis libramine, quiescentibus de more
fratribus in lectulis, ecce frater ille qui nuper obie-
rat, super lectum Hildeberti vigilantis astigit, et
magnis cum vocibus cœpit inclamare, dicens: « O
Pater Hildeberte, tibi, quasi Christi vicario peccata
mea confessus, secundum fidem Ecclesiae me salvum
ab eis credebam; et ecce dæmones pœnas eorum a
me terribiliter exigunt. » Et ille: « Et mihi, ait,
quasi Christo Domino confessus es, et ego pro te
Christo Domino in die judicii respondebam. » Ad hanc
tantæ fidei professionem confusi dæmones absces-
serunt. Defunctus autem confessori suo gratias egit,

(1) Sic apographum; dicitur tamen infra semel et iterum *Hildebertus*. Numero autem 13 infra occur-
rit iterum *Hildebrandus senior*.

et ab hostiis manibus liber evasit. In quo scilicet facto Deus nobis et inimici erga nos malitiam, et sanctæ confessionis virtutem insuperabilem demonstravit.

5. Presbyter quidam sacerdotalis in cœnobio Majoris monasterii monachum professus sacerdotium dereliquit; qui, susceptis monachalibus sacramentis, dum quadam die in domo infirmorum lectulo decubaret, fratrem ad se vocat cui talium cura commissa erat, et ait ad eum: « Dominum abbatem exhibete mihi, quia pristinæ conversationis aliqua ipsam ad memoriam reduxi, quæ illi confiteri habeam. » Cui ille: « Meridiani, inquit, temporis somno pro more solemni dominus abbas nocturnas modo recompensat vigilias, nec quisquam eum his horis excitare audet: nonne vero hora signo pulsato, licenter ad eum introiens adducam. » Et æger: « Necessitas, inquit, legem non habet, sed ve [f. ne] enim gravis existam, loco et vice ejus, vobis, cui ab eo sum commissus, confitebor; urget enim extrema necessitas. » Nec mora, æger de culpa pœnitens culpam constitetur, satisfactionem sibi injunctam devote amplectitur; pro more sacramenti a reatu absolvitur. Hisque gestis, ipsisque residentibus, ait: Jam nunc pugnare habeo cum horribus feris. Tu igitur nusquam abscedens, præsentia solare, orationibus vaca. Neque enim visurus es cum quibus præliabor, imo horrido aspectu formam sibi satis congruam, corvinam scilicet, induerunt. » Dixerat, et subito ejus facies tota immutatur, oculi venis intumescent sanguineis, et versati terribilem præbent intuitum; os distortum in partes spumas sanguineas infectas evomit, cum membra ejusdem nulla quiete fruantur. Interea frater qui aderat, cœpit trepidare; quis enim non paveat ad hoc? Solo autem metu orationi procubuit; tamque diu protrahit agonia pugnantis, dum qui astabat septem psalmos pœnitentiales et letaniam expleret. Tunc tandem æger rediit in seipsum, et sibi astanti ait: « En, inquit; frater, Deo protegente, hostes evasi; tu, qui mihi laboranti quasi collaborans astitisti, jam parumper indulge quieti. Nocte enim imminentis mecum vigilare habes, discessuro a vobis. » Verba sequitur effectus, ipsaque nocte, ut prædixerat, dissolvitur a corpore. O quanta Dei clementia! qua in corpore posito et pugnare dedit contra dæmones hominem, et pugnante vincere: ut et labore pugnæ præterita errata purgaret, animæ autem suæ absolutionis horam notam ficeret.

6. Per idem sere tempus quidam laicus de castro Beati Martini in eodem cœnobio conversus, ad exitum properabat. Hic in quodam diversorio domus infirmorum, ne vel alii molestiam ab eo, vel ipse ab aliis pateretur, cubabat. Media autem die, ecce dæmones visibili specie Æthiopibus similes ingressi ad eum, lectulum ejus circumsteterunt. Quorum uetus et ipse terribilior, et magnitudine procerior

æteris, stratum ejus ascendens, toto se corpore super eum extendit, ita ut etiam os suum ori ejus applicaret. Ille vero cum præ pondere incumbens se mouere penitus non posset, quod potuit fecit, et sputum de ore suo in faciem dæmonis se prementis injectit. Quod diabolus non ferens, retro resilivit, et quasi propriam volens ulcisci injuriam, ad artes callidas se convertit. Denique coram eo argenti et auri pondera immensa, vestesque pretiosas exponit, choros puellarum, equitantum viventium cuneos, ut quos etiam agnoscebat sibi videre videretur. Inter quæ quasi exultans diabolus, siebat ad eum: « Ecce, miser, gloria quam reliquisti ante tempus misericordiarum, spontaneis te subdens miseriis, cum istis poteras adhuc florere, si nostra consilia non B sprevisses. » At ille constanter econtra respondebat: « Nos quoque floruvimus, sed flos fuit iste caducus. Jam nunc absit mihi gloriari nisi in cruce Domini nostri Iesu Christi! » Ad hæc verba turba dæmonum tanquam fumus evanuit; et ecce beatus Martinus pontificalibus redimitus insulis coram ægro assistens: « Eia, frater, ait, confortare in Domino, nec te decipient insidiae malignorum. Ceciderunt enim a latere tuo, et a dextris tuis, amplius ad te non appropinquabant. » Et addidit: « Cognoscisne me? Quod cum ille negaret, ait: « Ego sum, inquit, Martinus, hujus loci tutor et provisor, sub cuius auxilium confagisti. » Ad quam vocem enitens ille prosilire de lectulo, post tantæ visionis abscessum a servientibus sibi repertus est pedem exterius, ut sancti pedes amplecti voluerat. Inde accito œconomio decubantium: « Sacre, ait, unctionis mysterium mihi quantocius exhiberi satagit, quia dominus meus Martinus ita mihi præcepit. Quod postquam susceptero, de cætero me sciatis nec quidquam locuturum nec quidpiam gustaturum. Satis enim fidelis est a quo hæc audivi. » Nec mora, pro more fideliū inungitur, et, ut prædixerat, quandiu supervixit, nec quidquam locutus est, nec quidpiam gustavit.

7. In eodem cœnobio puer quidam intra decimum ævi annum, nomine Joannes, de castro Sancti Martini a parentibus religioni datus est. Cujus in ævo puerili maturitas maturis etiam sensibus admirabilis erat. Nemo eum resolutum risu, nemo censuram silentii excedente, nemo dum vigilie agerentur, cum coœvis somno vidiit, ut moris est, indulgentem. Resulgebatur in vultu ejus quedam cum gravitate simplicitas, ejusque pueriles oculos pudor innocentiae confovebat, ut in se aspicientibus divino quodam intuitu castigaret levitatem, ac divinum timorem inspiraret. Cujus senectutem venerabilem, non diuturnam. Dominus festinans educere de medio iniquitatum, intra annos innocentiae innocentem puerum molestiis corporalibus affligi permisit. Quibus in dies augmenta capientibus, religiosus puer præscius extermorum, abbatem loci, Garterium (2) nomine,

(2) Nullus fuit hujus nominis abbas Majoris Monasterii. Legendum haud dubio Garterius, qui ab anno 1137 usque ad annum 1158 præfuit.

ad se venire rogat, constitutus humiliter corde contumulo de admissis, benedictionem monachi postulat fiduciam, devote suscipit. Inde secundum traditionem apostolicam inungitur. Quo tacto viviscais sacramentis munitur; tum vero crucis Dominicæ præsentato sibi vexillo, nihil jam pueriliter præter annos in ipso apparuit. Quanta devotione ipsam crucem amplectitur, quam piis eam lacrymis rigat, quibus singultibus videns Domini pendens imaginem, ejus passioni conformis efficitur! His de more peractis, in lectum ponitur, positus in ecclesia Beati Benedicti, ut est consuetudo illius ecclesiæ, defertur, ubi, requisitus a servientibus si aliquid sibi ministrari pro corpore necessitate deposceret, nihil prorsus mortale sonuit; sed pueros, qui stolas suas in sanguine Agni laverunt, Davidica voce ad laudem Creatoris invitabat dicens: « Laudate, pueri, Dominum, laudate nomen Domini. Sit nomen Domini benedictum, ex hoc nunc et usque in sæculum. » Cojus psalmi duos versus itidem itidemque repetens, extremum spiritum exspiravit; illorum, ut credimus, aggregatus consortio quos ad Dei laudes in extremis invitabat.

8. Presbyter quidam de Sancto Spano, Herveus nomine, postposita sui dignitate ordinis, tam sæcularibus negotiis quam voluptatibus deditus erat. Crescebat in immensum pecunia ejus, positis in senore numinis, quæ scilicet quo plus crescebat, tanto magis hinc capiebat. Hoc solum tamen in eo spem futuræ salutis, etsi segniter, nutriebat, quoniam viros religiosos, et præcipue Majoris Monasterii monachos maximo venerabatur honore. Denique sanus et adhuc florens in sæculo sese suaque eis donavit. Nec tamen tunc mundum, cuius catenis irretitus erat, deseruit. Tandem mortis avara manus, quæ æquo pulsat pede pauperum tabernas regumque turres (Hob. Carm. 1, 4, 13), corporalis molestia tactu eum graviter adegit. Qui mortis horam vicinam sentiens pariter et tremiscens, supradictos Majoris Monasterii fratres ad se festinato venire mandat; factaque primum de peccatis humili, vivaci, gemebunda, plena amaris lacrymis, ut dignum erat, confessione, confratribus prius et pauperibus partem suæ substantiæ divisit; reliqua vero omnia mobilia immobiliaque sæpedictis fratribus seseque ipsum tradidit. Insuper et debitores suos undequaque venire fecit, quæque sibi debebantur, debenda fore monachis, et nominatis temporibus reddenda sancivit. Inter reliquos autem venit quidam compater et familiaris ejus, cui nemine conscientio, exceptis ipsis duobus, lx libras commodaverat. Qui jacenti locutus in dolo: « Domine, inquit, timeo mihi ab auditu tantæ pecuniae, et quamvis per vestram gratiam, neminem tamen vellem conscientiæ nostri secreti, sicut nec ante fuit. Ego autem sub fidei meæ et juris iurandi sacramento pollicor vobis et eam me redditum, et eo quem mihi assignaveris die. » Ad hæc reger: « Non est, inquit, opus ut mihi juretis. Expertus enim fidei vestram, quæ mihi spondetis

A non incredulus existo, osculo sancto pacis et fidei peracta solo firmentur. » Quod ille libenter amplexus sub fidei suæ et sacri ordinis signo pollicetur se eis, quibus, et quo decreverit tempore, debitum soluturum. Assignat ergo debitori presbyter ut vice sui fratribus Majoris Monasterii illud restituat, terminumque reddendi unius anni indulget ei spatium. His ita peractis, induitur sacris vestibus religionis, et delatus ad monasterium, monachalia sacramenta pro ritu religionis suscipiens, pravis transacte vitæ bono sine condemnatis actibus, quievit in pace. Jam annus exactus erat, cum debitor ille nec debitum exsolvit, nec patientiam precatur. Nemine scilicet teste, post mortuum lucro sibi totum putat remansisse. At defunctus, cui monachi debitus fraternitatis non exsolverunt negligenter, sollicitus fuit ne fraude debitoris amitterent quod eis reddendum mandaverat. Quadam igitur die capellano ecclesiæ cui ipse præfuerat, euni Turonem, monachali habitu efficitur obvius. Qrem ille clara luce diei agnoscens, reminiscensque mortuum, primo ejus aspectu ingenti terrore concutitur. Cui defunctus: « Nihil, inquit, timeas, sed cucis Dominiæ signo frontem armatus, securus aido quæ dicam. Non enim nociturus, sed profuturus tibi et aliis permisus sum apparere. » Et addidit: « Tu nости, inquiens, quam perdite multo tempore vixi, et vere et absque remedio perditus essem, si non per orationes sanctorum fratrum Majoris Monasterii Domini inimensa misericordia mihi subvenisset. In igne tamen purgatorio debitos dolores sustinui, quibus si quidquid tormentorum in via mortali tolerari potest comparetur, levissimum, imo nec tormenta reputabuntur. Nunc autem, in refrigerio positus, majorem adhuc beatitudinem etiam ante universale judicium prestolor, sed retardat me falacis illius compreshyteri nostri dissimulatio. Transgressus est enim terminum quem illi constitueram, ut dominis meis Majoris Monasterii fratribus debitum meum exsolveret. Tu quidem ex parte mea runc ibis ad eum, et ne amplius dissimulet facere, quod sub fidei et pacis osculo mihi spondit reddere, annuntiabis. Quod si diem quem illi per te assigno, negligenter preterierit, sciat procur dubio ejus animam summi Judicis subituram vindictam. » His dictis defunctus disparuit. Capellanus autem promptus ac sollicitus exequitur jussionem, presbyterum convenit, super deposito visionem enarrat, ut reddat debitum adhortatur. At ille eum insanice phantasia deceptum, se in nullo unquam defuncto fuisse omnino protestatur. Nec mora, transacto die quem defunctus per internuntium statuerat, debitor immensis doloribus arreptus, jamjamque sese exspirare formidat. Fatetur itaque, etsi sero, cuncta Dei clementis neminem posse effugere judicium. Quid plura? Monachos sæpedictos per internuntium evocat, debitum primo reddit, inde scipsum et omnia sua in manus eorum tradens, creditoris sui pia in fine subsecutus vestigia.

In quo opere vere Dominus et clementer misericordiae et districte bene intelligentibus demonstrat judicem.

9. Duo germani erant in eodem monasterio honestæ vitæ et laudabilis conversationis, quorum alter ad abbatis nutum in Angliam directus, cœlum, non animum mutans (*Ilor. Epist. 1, 2, 27*), ibi quoque religiose conversatus est. Contigit autem ut expletis diebus vitæ suæ obdormiret in Domino. In eadem igitur nocte qua de vita excesserat, fratri suo in conventu fratrum quiescenti apparuit dicens: « Eia, frater, ecce hodie ex hac vita me vocavit Dominus; et ego ad sanctorum requiem per venturus viatico indigo, beneficio scilicet fratrum nostrorum ex more mibi debito. » Porro ille a somno excitus secumque visionem reputans, minus fidem adhibuit, quasi somnum parvipendens. Surgitur interim ad Matutinos. Tunc inter psallendum, ut fieri solet, parumper obdormiens, eamdem visionem vidit. Cœpit igitur al quanto sollicitius tractare sècum quæ repetita visione monitus erat. Itur post Matutinos dormitum; et ecce defunctus fratrem suum in visu convenit hortatur sollicite ut jam tertio monitus abbatii et fratribus suum nuntiet obitum, et germanæ dilectionis intuitu debitum sibi ab eis exigat beneficium. Mane itaque facto, frater de fratre, præsertim triplicata visione admonitus, sollicitus erat, et quendam de custodibus ordinis in partem evocans, rem ex ordine pandit, depositi consultum. At ille: « Non est, inquit, ut melius nosti, consuetudinis nostræ ut alicui debitum exsolvamus, nisi breve allatum fuerit quo Kalenda obitus agnoscatur, præsentim pro somno cuius fallax et vana persepe illusio est. » Nec mora, die eodem nuntius advenit breve manu portans, quo fratis obitus et Kalenda legeretur: Kalenda porro ipsius erat diei. Officium pro mortuo de more celebratur, aestimantibus cunctis jam instare annum diem quo obiisset. At germanus ejus cæteris pro illo solertia foras egreditur, quasi cum brevis bajulo curiosius de fratri sui obitu huc turus. Ille autem nec reperi potuit, nec aliquis est repertus qui se eum vidisse diceret. Concurratibus itaque sibi et visionis triplicata miraculo, et nuntii subito disparentis adventu, germanus defuncti et eodem, non quidem anniversario, sed ipso identitatis essentia quo viderat visionem quodque nuntius advenerat, veridica relatione fratrem suum didicit emigrasse. Satisque compertum est quam larga Domini misericordia est, quæ et defuncto pernisiit ut suum debitum exigeret, quamque sollicitos nos esse convenientia defunctis fratribus debitum suum exsolvore negligamus.

10. Ejusdem cœnobii frater erat, Urricus nomine, qui rerum temporalium callebat prudentia. Hic in cella quæ dicitur Tavent procuratoris fungebatur officio. Erat autem durus admodum et inhumanus; cum fratribus constitutam annonam nonnunquam partim subtraheret, ipsis reclamantibus cogebatur

A invitus reddere quod suum erat. A vero defunctis tanto licentius benefacta statuta vel subtrahebat vel in deterius commutabat, quanto rarius inventebatur qui jus eorum defenderebat. Contigit igitur ut dormienti ei duo fratres qui ex hoc mundo migraverant apparerent, et eum duris verbis pro illata defunctis injuria increparent. Ille induratus quasi somnium mane visionem pro nihil duxit. Secundo itaque defuncti ad eum in visu venientes reclamant pro injuria, pœnas immincere, nisi damna restituat, comminantur; at ille nihilominus emendatus permanxit. Tertio igitur venientes tantis eum verberibus affecerunt, ut per annum dimidium lectulo quasi moriturus decubaret. Vix tandem convalescit, sed pristinam corporis alacritatem nunquam postea recuperare valuit. Hinc conjice, lector, quid in futuro immincat defunctorum debita defraudantibus, quia etiam in præsenti corporali vindicta defunctos ipsos Judex permitit exigere.

11. Frater quidam ex eodem monasterio egressus sæculum repetit, monachum dissipatur. Qui etsi turpiter coram Deo, quippe sanctæ illius refuga professionis, coram hominibus tamen honeste se agebat. Denique in Cameracensem diœcesi professus presbyterium, cuidam ecclesiae attulatur, in qua per multum tempus sacerdotio sanctus, quem ordine et dignitate populum sibi commissum [habuit], quantum ad faciem spectat, legitime gubernavit. Et quia mundanus non mediocriter callebat pruilenia, multam sibi coadunavit pecuniam. Consortium etiam muliebre sibi asciscens, ad testimonium illius ultimæ et sæcularibus licitæ castitatis, et ex ea filios genuit. Jam quarta præterebat vigilia, et adhuc ille dormiebat, cum ecce sons misericordiæ Deus mirabiliter eum excitavit, et primo quidem uxoris solarium filiorumque carnalem dulcedinem, morte eos exterminando, ab ejus animo abscedit; inde corporali enim affligens molestia lectulo prostravit. Tunc tandem in se reversus, secum quid fuerit, unde exierit, quod evenerit, quæ se inevitabilis maneat in extremis sententia, rugitu cordis et medullarum sudoribus retractare cœpit. Aiebat ergo: « En mea cycneas imitantur tempora plumas (*Ov. Trist. iv, 8, 4*), et ecce universo, ut dignum erat, destitutus solatio, ut lignum aridum et truncus inutilis æterni ignis pahulo tantummodo aptus remansi, et vere merito solum me relictum invenio, qui sanctæ congregatiōnis dignum Deo et angelicum reliqui contubernium. Væ mihi misero! qui cum possem ad eos redire, non volui; nunc autem cum sero velim, non valeo. » Talia secum dicens flebat uberrime. Tandem post multas lacrymas, spe per Dei misericordiam animatus, ait: « Certe faciam quod vel nunc possum. Credo enim et confido, qui et latronem in cruce sese consitentem misericorditer suscepit, me quoque etiam in ultimis veraciter pœnitentem non abjectet. » Dixit, et dictum transduxit in opera. Nam Majoris Monasterii fratres quos proprius potuit reperire per internarios evocat, revelat eis ut Domino viam suam;

et quia prægravatus valetudine se eo venturum diffidebat, quo legitime satisfaceret, supplex exorat ut pro solemni disciplina in eum verbera virgarum exerceant, ac deinde sacre habitum religionis, quem abjecerat, clementer indulgeant. Nec differre consilium fuit, quia et pœnitentis supplicatio et imminentis periculi urget eventus. His igitur peractis cum nocte insecura matutinos inibi celebrassent, æger somno induxit; et ecce Martinum pontificalem redimitum insula cum multitudine candidatorum, sanctumque Benedictum cum monachorum caterva sibi videt in dextris assistere, porro in parte altera diabolum et angelos ejus. Tum prior diabolus : « Injuste, ait, agitis ad hunc accedentes, qui a vobis refuga se mihi inancipavit; et modo longævæ militiae, qua mihi servierat, præmia percepturus, propter unius horæ lacrymas, et momentaneam pœnitentiam ac si justus a vobis visitatur. » Cui clemens Martinus : « Ignoras, inquit, miser, divisæ bonitatis inexhaustas divitias, qui per Prophetam duræ vitæ contraria intonat verba dicens : « In quaunque hora ingemuerit peccator, omnes ejus iniquitates obli- vioni tradentur; » et per semetipsum, ille qui tyran- nidem vestram suæ tropæ crucis edomuit : « Non veni, inquit, vocare justos, sed peccatores in pœnitentiam. » His dictis cum sancto Benedicto conver- sus ad jacentem : « Per Salvatoris, inquit, gratiam, et collatam ab ipso nobis potentiam, a cunctis te peccatis absolvimus; de cætero tu correctius vive, et jam amplius noli peccare. » Et addidit : « De lecto, inquiens, ægritudinis hujus convalesce, ad matrem tuam ecclesiam a qua recesseras redditurus, ibi, juxta quod magister tuus, quem præsentem cer- nis, sanxerit, satisfactionis viam universam per- currans, caveto summopere ne quid quod tuam remordeat conscientiam a Patre abscondas mo- nasterii; jam etenim non multo tempore super- vives. » His dictis somnum et visio pariter abie- rrunt. Nec mora fratibus ad se vocatis quæ viderat, quæ audierat per ordinem pandit, se divinitus sa- natum insinuat, rhedam instruit, cum qua cum suis copiis provehatur, ad Majus Monasterium venit; quæ secum detulit scilicet viginti quinque millia solidorum, et vasa argentea octo, equos etiam in quibus venerat, Patri monasterii assignat. Inde misericordiam: supplex exorat, aditum humiliter precatur, nihil sibi laxari permittit quominus universam ex- pleat satisfactionis disciplinam. Dies pauci fluxerunt, et ecce iterum lecto prosternitur; cumque expleto sacrae unctionis mysterio crucem Dominicam adoraret, vidi diabolum prope assistere. Respiciens autem ex adverso, sollicitis perquirebat oculis, si forte protectores suos, quos antea viderat, etiam nunc videret: nec prius salutiferum crucis vexillum ab ejus manibus avellere potuerunt, quam beatos patronos suos ad sui custodiam venisse gloriaretur. Quorum confisus præsentia, ad diabolum conver- sus : « En, inquit, cruenta bestia, protectores ha- beo contra te. Adest Martinus signipotens, adest et

A Pater Beneditus, non timeo quid faciat mihi homo. » His dictis in sanctorum qui advenerant manibus vulnus claci animam exspiravit, sieque divinitus ostensum est quanta sit apud Deum multorum innocentia, apud quem tanta est peccatorum pœnitentia.

B 12. Fulco comes, iturus Hierosolymam, in festo Pentecostes venit Turonos, ut ei archiepiscopus sacræ crucis signum pro more tantæ peregrinatio- nis imponeret. Quo facto, cum post missarum solemnia committones et participes mense sue præstolaretur, ad fenestras aulæ, quæ Majus Monasterium respiciebant, cum duabus presbyteris sese comita- turis stabat, nescio quid secretum confabulans, cum ecce respiciens videt primam [f. pinnam] Majoris Monasterii flammam ninius ita succensam ac si funditus combureretur. Quo visu exterritus : « En inquit, Majus Monasterium incendio concrematur. Videbis, ait, qualis flamma jam in superioribus do- minatur? » Videntes presbyteri condolent pariter et mirantur. Nec mora, vocatos de militibus suis nonnullos, concito cursu jubet ire illo, et sibi renun- tiare quid ibi fuerit. Ascensis equis illi properant, Majus Monasterium veniunt, inquirunt de igne, nec etiam mentionem reperiunt. Comes illos præstolatur. Quibus regressis, nihilque tale se vel vidisse renuntiantibus, sollicitus comes cum presbyteris suis de visione tractabat. Cui unus eorum ait : « Domine, digna satis visio pro negotio quod co- pistis, pro solemnitate præsenti, pro loci reverentia in quo apparuit vobis, divinitus ostensa est. Nam et vos, Spiritu sancto inspirante, Dominicanum signum vobis hodie imposuistis, et ipse Spiritus sanctus hodierna die super apostolos in igne descendit, et locus Majoris Monasterii dignus est in quo se de- monstret descendere, quem tantus conventus eodem Spiritu inflammatu cohabitat. » Placuit viro illus- tri digna dignæ visionis interpretatio, nec moratus in crastino eo venit, visionem conventui resert, fratrem se et participem beneficij rogat effici, ip- sumque locum et ejus incolas condigna reverentia deinceps habuit.

C D 13. Aeris siccitate terræ sterilitas imminebat, corporumque inæqualitas pestem rebus minatur humanis. Conventus igitur Majoris Monasterii, nudi pedes deferentes pignora sanctorum, ad tumulum beati Martini processionem pro clade immin- enti fecerunt, ibique celebrata missa, cuin jam regredi vellent, corpus beati Corentini, quod secum detulerant, volentes levare, movere penitus nequivi- runt. Attentabant plurimi, sed labor cassus nihilominus frustrabatur. Tum moeror ingens et luctus omnium, quippe qui beneficia potituri advenerant, damno irreparabili multabantur. Cum ecce senior quidam, Hilidebrandus nomine, baculo quem dextera gestabat, feretrum percutiens, ait ad sanctum : « Eia Brito, Brito, novimus certe Britannorum super- biam, et en, credo, Martini et Bricii tumbas æmu- laris aureas, eo quod tua vilis et lignea sit. Nunc

igitur securus nobiscum revertere, et te, sicut isti A emerunt, auro vestiemus. » His dictis, ad bajulos fetreti conversus : « Supponite, inquit, humeros oneri, in nomine Domini nihil habentes. » Quibus jussa facessentibus, in summa facilitate sanctum levaverunt, antiphonaque imposita, post mœrorem letitia perfusi ad propria redierunt.

14. Laicus in eodem cœnobio conversus psalmos addidicit, et per annos quinquaginta in ipso monasterio religiose conversatus nunquam ad cellas exterieas exire ad manendum voluit. Jacob autem in ecclesia luminaria concinans, verrensque pavimenta, parietes extergens, et quibuscumque sanctis ministeriis poterat, sedulus insistebat : psalterium ex ordine quotidie decantabat, post Matutinos nunquam quieti lectuli indulgebat. Sed cum nimia eum lassitudo compulisset, ad locum refugii integer habitu sanctorum necessitatibus corpusculum admittebat. Advenerat igitur beati Martini sacra solemnitas, qua, peractis Matutinorum solemnitiis, cœteri fratres requici gratia ad lectulos redierunt. Ille autem cum privatis orationibus et genuis flexionibus sese fatigasset, ad memoratum refugii locum secessit; cumque levi somno, ut matutinis horis fieri solet, parum raperetur, ecce duæ personæ venerando habitu, præclara facie fulgentes, coram altari astiterunt; dixique alter ad alterum : « Dominus gloriosus Martinus beato huic loco pro reverentia solemnitatis hujus suam hodie exhibebit præsentiam, fratrem etiam istum qui nos audit; quia ei non mediocriter devotus exstitit, die crastina educi jubet e corpore. Ea propter ipso etiam audiente hæc ex industria loqnor, quatenus tanta necessitas hora tam propinqua eum paratum inveniat. » His dictis visio disparuit, somnusque recessit. Quare ille exitus horam ultimam, tam de vicino imminentem, sollicitis et formidolosis orationibus expectat. Mane autem facto, frater abbati quæ viderat quæque audierat suggerit; ille vero ut somnium parvi pendens, non adhibendam somniis fidem. Imperat tamen super licentiam, ut inungatur. Quo facto, Dominicis etiam munitus mysteriis, sanus et incolunis cum ceteris in convventu versatus, nocte insecura, circa Laudes viribus corporis coepit repente destitui; nec jam valens subsistere, ad manus in cellam infirmorum deducitur. Mane adveniente, pro bona iterum devotione Dominici corporis et sanguinis sacramenta percepit, ubi, cum post sanguinem vinum ebibisset, inter manus sese bajulantum expiravit. Ita Martinus in sua festivitate sibi devotum assumpsit, ita Christus præcedentis gratiae donum subsequenti gloria remuneravit. Amen.

15. Dicamus etiam quoddam miraculum quo nostris temporibus, divina operante clementia evenisse non dubitamus. Duo ex monachis Beati Martini Majoris Monasterii, Junianus sacerdos Calumnensis, et Burgardus prepositus Litinensis, venientes de obedientiis suis navigio, secundum

ferentes centum quadraginta alausas, quas emerant ad opus refectionis fratrum, tendebantque perenire ad Majus Monasterium. Cumque venissent ad quemdam locum valde periculosum, ubi aliquis, propter exclusas et molendina, quæ inibi amplius abundant, vix illæsus iter suum valeat peragere tatum; monachi solliciti, causa vitandi periculum, præceperant famulis suis ut in navicula remanerent, et diligenter eam gubernare certarent. Illi vero accipientes navigalem funem, descendebant in terram, ut valide trahentes citius transvolare naufragium possent. Sed callidus hostis, qui nunquam quiescit omnibus adversari bonis, aliquantulum propositum illorum perturbavit, non tamen ad damnum et contumeliam ipsorum, sed ad laudem et gloriam nominis Domini nostri Jesu Christi. Nam cum famuli recto regimine sulcantes undas elaborassent illam angustam transire portam, et monachi peragentes juxta littus viani suam extenso fune fortiter naviculam suam traxissent, mirabile dictu! mox quasi incisus rumpitur funis. Quod persentientes famuli, et mortem sibi imminere videntes, vix haerentes manibus tabulis molendinorum evaserunt. Navis quippe statim mergitur, non ut aqua implaretur, sicut solet fieri; sed, quod magis periculosum est, puppi et prora deorsum conversis in terram, resupina coepit fluctuare in undis. Magna voce inter hec clamantibus monachis : « O beate Pater sancte Martine, sanctis precibus et meritis tuis salva pisces in illa navi, quos cerebamus nostris filiis et servis tuis. » Postquam ergo navicula diu ab undis fluminis depulsa natitavit, monachi et famuli non credentes neque sperantes quidquam funditus remansisse in ea, tandem magno cum labore pertraxerunt ad terram. Cumque convertissent et erexissent puppum sursum, quæ diu resupina nativerat, viderunt pisces suos immotos et salvos, et ita ordinatim sicut collocauerant positos, nullusque illorum omnium quos fratribus Majoris Monasterii destinaverant, in aqua perielitavit. Triginta quidem pisces quos separatim posuerant, ut captoribus et hujusmodi hominibus largirestur, illi ceciderunt in aquam et perierunt; spolia quoque famulorum in flumine demersa sunt, liber vero monachorum, id est Breviarium, ita illæsus permansit sicut et pisces fratrum. Quod videntes monachi et famuli, et omnes qui aderant, gaudio magno repleti glorificaverunt Deum, qui nunquam deseruit sperantes in se, qui non solum voces exaudit fidelium suorum clamantium ad se, verum etiam desiderium et effectum cordis eorum, sicut in quodam loco Prophetæ testatur : « Desiderium pauperum exaudit Dominus, præparations cordis eorum audivit auris tua. »

16. Quia sicut Scriptura dicit : « Secretum regis abscondere bonum est, opera autem Dei manifestare atque confiteri honorificum est; » utile esse cognovimus quandam visionem scripto relinquere posteris nostris, quam divina clementia nostris

temporibus apud Majus Monasterium revelare dignata est. Quondam enim quidam monachus Majoris Monasterii, vir boni testimonii, Oddo nomine, præpositus de Sancta Gemma, cum persensset in loco obedientiae suæ se mortali infirmitate corruptum, quantocius ad Majus Monasterium se deferri præcepit. Cumque in domo infirmorum fratum positus esset, aliquantulum in infirmitate sua examinatus, ad ultimum universæ carnis viam cœpit ingredi. Illoc autem cognito a priore, qui, jam ad vesperascente die, gratia perscrutandi qualitatem suæ infirmitatis illum visitaverat, finito Completorio significavit tribus fratribus ut ad illum custodiendum, sicut mos est illius ecclesie, postquam ita sit proximus morti, venirent, et totam noctem circa eum in psalmis et orationibus expenderent. Fratribus igitur obedientibus sine mora signo prioris, festinanter venerunt in domum infirmorum, et circa fratrem in extremis positum residents, sere usque ad medium noctis in psalmis et orationibus perstiterunt. Cumque jam hora propinqua esset in qua fratres [ut] ad Matutinos surgant admoneri solent, ecce unus ex tribus fratribus quos supra memoravimus, Geronius nomine, apertis oculis, non per visionem aspiciens sursum in directum, vidiit quamdam avem speciosam nimis in columbae specie ex toto albam, per radium eiusdem splendoris magni venientem super fratrem infirmum et morti proximum; cœpitque supra pectus ejus volitare et volitando illum circumire. Sed antequam illa avis advolaret, frater infirmus graviter anxiabatur, et mortis stimulis nimiam urebatur; ubi vero advenit, pacatum illum et quietum cito reddidit, neque postea tantos planetus tanquam graves anhelitus emisit. Cumque aliquandiu illum circunisset, et super pectus ipsius vicissim volitasset, pariter et frater suum Domino spiritum reddidit, et avis qua via descenderat, ascendit. Nulli hoc incredibile videatur, sed Dci operibus tandem rectam adhibeamus, et illi assidue grates debitas reddamus, qui semper suos consolatione pia visitat, et in se sperantibus gaudia celestia largitur et preparat. .

17. Vir venerabilis, simul et præpositus et archidiaconus Claromontensis ecclesie, ad festum beati Martini quotannis venire consueverat, pariterque Majoris Monasterii cœnobium visitare. Qui cum inibi multam religiosam servare consiperet, pio conversationis desiderio est accensus. Aliquando igitur de more ad sancti Martini festum venturus thesauros suos et vestes olosericas, multamque divitiarum suppellectilem secum afferri fecit. Cum igitur tota nocte et die solemnitas sacris officiis devoutus interfuisset, in coenitatu suo recedit ad hospitium, ac inter confabulandum post epulas ait suis: « Vobis crastino de labore quiescentibus, ipse solus pauplisper egrediar, ad prandium reversurus; nihil igitur

A de me fueritis solliciti, sed parate nobis. » Mane igitur facta, induens se vir nobilis cuiusdam servi sui habitu viliori ad Majus Monasterium venit, reperiturque abbatte Guillermo (3) procidit ad pedes ejus, et pro amore Christi et beati Martini monachatum sibi concedi exorat: cujus humilem supplicemque petitionem pio abbas attendens intuitu, benigne concedit quod ille humiliter precatur. Inde ad suos regreditur, mirantibus nimis cunctis quomodo vel qualiter in tali habitu processisset. Resumptis vestibus, dissimulato voto, tota dies illa in lætitia agitur. Denique videt in crastino suum iter parari, quasi ad patriam redditurus. Ducibus autem comitatus mandat secreto ut, cum ventum primum fuerit ad Majus Monasterium, divertant gressum. Itaque oratione prius celebrata, se poscit ad abbatem deduci. Cui abbas assurgens (jam enim, fania præconante, quis esset audierat), in osculo pacis gaudens excipit illum. Rogat etiam, pro consuetudine et hospitalitatis gratia, ut laborem itineris sui ibidem quiescendo relevet, ne deditetur beneficium domus suscipere, cui sacer Martinus et expensas providet, et expendendi voluntatem largitur. Tum ille: « Domine, inquit, non dedignor aut respuo beneficium beati Martini et vestrum; me enim in monachum suscepistis, et ad hoc hodie veni. » Mirari abbas se illum eatenus non vidisse. Ille e contra: « Non, ait, meministis vos heri qnemdam pauperem clericum in tali et tali habitu recepisse in monachum? — Hoc, inquit abbas, recordor. — Ego, ait, ille sum. Jam nunc, si placet, me et mea suscipe; de his qui mecum sunt si quis eodem vitæ desiderio tactus est, precor ut pro Deo mecum suscipiat. » Gaudet abbas, clerici contristantur. Duo tamen ex eis, ceteris cum luctu abentibus, remanserunt. Factus igitur monachus, quo sublimior in sæculo fuerat, eo se exhibuit humiliorem. Post non multum temporis sacerdicia efficietur, attributis ei sociis bona vita super eo ut decebat sollicitis; at ille, magis magisque in Deum proficiens, secum cœpit tractare qualiter omnibus fratribus ita deserviret ut omnes lateret. Denique nocturnis horis cum ceteri quieti concederent, ipse clam cunctis aquam hauriebat et lavatorium impletat. Hoc cum multo tempore jam fecisset, Omnia Sanctorum advenit solemnis: ceteris itaque post Matutinos ad lectos redeuntibus, ipse operi assueto succedit. Quo expleto de more, reddit in oratorium, incumbit orationi. Et ecce ex ea parte ecclesie qua beati Martini lectus habetur, audit immense multitudinis dulcissimas voces. Erigens autem caput vidi tres personas pontificalibus insulis decoratas, quarum qui medius erat et honore et vultu videbatur ceteris præeminere; deinde abbates multos ac monachorum infinitas catervas, omnes latos et dulci melodia jubilantes. Incipit interim ille archiepiscopus & 1, Concede nobis; dicto et repetito &, complet ordi-

(3) Hic ab anno 1104 monasterio presul usque ad annum 1124. Dicebatur Guillermus de Combornio.

nem. Secundo agitur pro defunctis. Tertio pro illius A loci congregatione. Incipit ille archiepiscopus Antiphonam : *Civitatem istam tu circumda, Domine. Et subjungit à, Fiat pax in virtute tua; et Collectam : Deus qui renuntiantibus sæculo mansionem paras in cælo, dilata hujus sanctæ congregationis temporale habitaculum cœlestibus bonis, ut fraterna teneantur compagine charitatis unanimes : continentiae præcepta custodiant sobrii : simplices et quieti gratis datam sibi gratiam fuisse agnoscant : concordet illorum vita cum nomine, professio sentiatur in opere. Per Dominum nostrum, etc.* Quibus expletis, beata illa et gloriosa processio qua venerat redire cœpit. Ille autem curiosius intuens, nonnullos quos noverat obiisse recognoscens, alloquitur illos, inquirens qui hi essent. At illi Martinum esse qui medius incedebat episcoporum, qui ut meritis ita vultus eminentia præcelerabat; Fulgentium atque Corentinum, qui ei obam-

bulabant; abbates ipsius loci, et deinde monachos, qui Martini meritis sui laboris fructibus non parum fruebantur eoque incedere eos ordine quo ad Christum migraverant. Prosternentur abbatem etiam Odonem (4), qui tunc loco præterat, eodem anno ad suam societatem accersendum denunciant. Reserbarunt etiam quod beatus Martinus cum ipsa processione cum suo illo, ut semper, frequentissimo discipulorum sanctissimoque comitatu ipsum monasterium sæpiissime frequentaret. His auditis, vir venerandus quosdam de sociis excitare festinat, Guarnerium scilicet ejusdem loci postea abbatem, et nonnullos ex aliis, qui a somno exciti et voces cantantium audierunt, et aliquos de novissimis ipsius processionis videre meruerunt. Quam beatam putamus, quamque mundam viri conscientiam, cui adhuc viventi in corpore præstitum est Martini gloriam et sanctorum cum comitantium contemplari!

(4) Guillelmo supra laudato successit ad annum 1137.

ANNO DOMINI MLXXXV.

BERNARDUS COMES BISULDUNENSIS

BERNARDI COMITIS

EPISTOLA AD BERNARDUM ABBATEM MASSILIENSEM,

Ad eliminandam ex Rivipollensi monasterio simoniam, orat ut illud per suos monachos regendum suscipiat.

(D. MARTEN. Ampl. Collect., I, 473.)

Domino B. Massiliensem venerabili abbatи omni- que sanctae congregatiō sub ejus custodia Christo militanti BERNARDUS comes Bisuldunensium fidem in Domino.... et cœlestē consequi bravium.

Quoniam quidquid a me mihiq[ue] sæcularibus vide- licet hominibus in hoc sæculo nequam digne devote agitur, spiritualium virorum precibus impetratum non ambigo. Idcirco arbitratu meo illis existimo referendum, quibus intercessoribus jure creditur adeptum, quatenus illorum gratiarum actione ac providentissima cura obtineat rectitudinis statum quod ab innieritis fuerit inchoatum. Quapropter no- verit vestra pia sollicitudo, locum Dei Genitricis Mariæ Rivipollentis (1) coenobii, qui, a tempore domni

(1) Rivipollense monasterium, Gallice *Ripouille*, insigne ordinis S. Benedicti in diœcesi Ausonensi, anno 889 a Wifrido comite Barcinonensi condi-

C Olivæ (2) pontificis a Simoniaci male posseesus, turpibus succubuerat quæstibus, ejusdem Dei Genitricis auxilio, tamque vestro quam cœterorum, ut credo, fidelium obtentu, me ab omni hæreticæ pravitatis contagio enundasse; illumque pseudoabbatem Mironem, qui post interdictum sedis apostolicæ ejusdem regimen conatus est simoniace obtinere, domni Guifredi archiepiscopi, necnon Berengarii Gerundensis episcopi, ac Guillelmi Ausonensis præsulis adjutorio, cum suis satellitibus universis a loco et regimine, sine ullo restitutionis respectu expalissee; quo depulso cum quererem qualiter vel quo ordine ab illo sancto loco omnem hæreticum ambi- tum de cœtero præcavere possem, id mihi a meis tum est.

(2) Hic Oliva sive Oliba episcopus fuit Ausonensis et abbas Rivipollensis, atque etiam Coxanensis, fra-